

मार्निंग डोगरी न्यूज़ बुलेटिन,

समा. 09.20 Hrs

<><><><><><><><><><><><>

Headlines

- गृहमंत्री अमित शाह होर अज्ज जम्मू दे इक दिनें दे दौरे पर न ते इस दौरान ओ भारी बरखें ते चानचक्क हाईं करी होए दे नुकसान ते चलाए जा रदे राहत सरबन्धी जतनें दा जायजा लैगन।
- गृहमंत्रालय नै जम्मू-कश्मीर ते एदे गोआंडी राज्यें च चानचक्क हाईं ते लास-पस्सियां पौने करी होए दे नुकसान दे आकलन लेई अंतर मंत्रालयी टीमां खडेरियां न।
- मुखमंत्री उमर अब्दुल्ला होरे जम्मू-कश्मीर च खेड्डे ढांचे दे बाददे विस्तार लेई केन्द्र सरकार गी अपील करदे होई प्रधानमंत्री मोदी हुंदा अपने “मन की बात” कार्यक्रम च जम्मू-कश्मीर दे नौजवानें दी खेड्ड प्रतिभा दा जिक्र करने लेई धन्नवाद कीता ऐ।
- जम्मू-कश्मीर स्कूली शिक्षा बोर्ड नै खराब मौसम दी पेशगोई दे मददेनजर अज्ज लैते जाने आले 10मीं ते 11मीं दे मतेहानें गी अगड़ा पाई दिता ऐ।
- जम्मू खिते च कल्लै तोड़ी भारी बरखा दे आसार न। मौसम विभाग नै सितम्बर महीने मुख्य भरै च सामान्य कोला मती बरखा बरने दी पेशगोई कीती ऐ

<><><><><><><>

HM Jammu Visit

केन्द्री गृहमंत्री अमित शाह होर अज्ज जम्मू दे दौरे पर न ते इस मौके पर ओह हाल च बददल फटटने ते चानचक्क हाईं करी होए दे नुक्सान दा आकलन करने दे कन्नो-कन्नी जारी राहत ते बचा अभियानें दी समीक्षा बी करगंन। अपने इक ध्याड़े दे दौरे दरान गृहमंत्री होर जम्मू च हाईं दी मारै हेठ आए दे इलाकें दा ब्लाई सर्वेक्षण करगंन ते कन्नै राजभवन च कैई बैठकां बी लागंन-जिस दरान लैफ्टिनेंट गवर्नर मनोज सिन्हा ते केन्द्री गृह मंत्रालय दे प्रदेश प्रशासन दे वरिष्ठ अधिकारी उनेंगी अजें तोहड़ी कीते गेदे राहत-बचा ते पुर्नबहाली आले कम्ममें बारे जानकारी देगंन।

<><><><><><>

MHA Damage Teams

केन्द्री गृहमंत्रालय नै जम्मू-कश्मीर ते एहदे गोआंडी राज्यें-पंजाब-हिमाचल प्रदेश ते उत्तराखंड च भारी बरखें-हाईं-बददल फटटने ते लास-पस्सियां पौने करी होए दे नुक्सान दा आकलन करने लेई अंतर-मंत्रालयी केन्द्र टीमें दा गठन कीता ऐ। गृहमंत्री अमित शाह हुंदे निर्देशों पर कारवाई करदे होई एह टीमां प्रभावत जिलें च जाइयै उत्थे कुदरती क्रोपियें करी होए दे नुक्सान दा आकलन करगंन। इंदे चा हर इक टीम दी अगुवाई संयुक्त सचिव सतह दे अधिकारी आसेया कीती जाहग ते इंदे च होरनें महत्वपूर्ण मंत्रालय- जियां राई-बाई- जलशक्ति ते सिइक ट्रांसपोर्ट मंत्रालय थमां प्रतिनिधि शामिल होगंन। केन्द्र सरकारै हालात पर लगातार तक्क रक्खी दी ऐ ते कन्नै एह यकीन बी दोआया ऐ जे सरबंधत राज्य सरकारें गी हर मुमकन मदाद दिती जाहग।

<><><><><><>

मुख्यमंत्री उमर अब्दुल्ला हों प्रधानमंत्री नरेन्द्र मोदी हों गी बिनती कीती ऐ जे जम्मू-कश्मीर च खेड्डें दा समर्थ दिक्खदे होई ओहदे बुनियादी ढांचे गी बधाने पर ध्यान केन्द्रित कीता जा।

उनें जोर देइयै आक्खेया जे केन्द्र शासित प्रदेश दे नौजवानें च बड़ी प्रतिभा ते उत्साह ऐ-पर आमतौर पर मौके ते पुज्ज दी कमी हुंदी ऐ। उनें कल “मन की बात” कार्यक्रम दे दौरान जम्मू-कश्मीर दे नौजवानें गी खेड्ड भावना गी पछानने आस्तै प्रधानमंत्री हुंदा आभार जतांदे होई आक्खेया जे इस चाली दा उत्साह बधाने आहली गल्ल-जम्मू-कश्मीर दे उभरदे खडारियें गी होर बी प्रेरित करोग। उनें एह बी मेद जाहर कीती जे कॉरपोरेट जगत-समाज प्रति उंदी जिम्मेदारी दे राहें खेड्ड सुविधाएं दे विकास च मदद करोग। उनें एह बी मेद जाहर कीती जे कॉरपोरेट जगत समाज प्रति उन्दी जिम्मेदारी दे राहें खेड्ड सुविधायें दे विकास च मदाद करोग। एहदे शा पैहले प्रधानमंत्री नरेन्द्र मोदी हों अपने “मन की बात” कार्यक्रम दे दौरान जम्मू-कश्मीर च नौजवानें दे खेड्ड कौशल दा जिक्र कीता।

<><><><><><>

मुख्यमंत्री उमर अब्दुल्ला हों प्रधानमंत्री नरेन्द्र मोदी हों गी बिनती कीती ऐ जे जम्मू-कश्मीर च खेड्डें दी समर्थ दिक्खदे होई ओहदे बुनियादी ढांचे गी बधाने पर ध्यान केन्द्र कीता जा।

उनें जोर देइयै आक्खेया जे केन्द्र शासित प्रदेश दे नौजवानें च बड़ी प्रतिभा ते उत्साह है पर आमतौर पर मौके ते पुज्ज दी कमी हुंदी ऐ। उनें कल “मन की बात” कार्यक्रम दे दौरान जम्मू-

कश्मीर दे नौजवानें दी खेड्ड भावना गी पंछान देने आस्तै प्रधानमंत्री हुंदा आभार जतांदे होई आक्खेया जे इस चाल्ली दा उत्साह बदाने आहली गल्ल जम्मू-कश्मीर दे उभरदे खडारियें गी होर बी प्रेरित करोग। उनें एह बी मेद जाहर कीती जे कारपोरेट जगत समाज प्रति अपनी जिम्मेदारी दे राहें खेड्ड सुविधायें दे विकास च मदाद करोग। एहदे शा पैहले प्रधानमंत्री नरेन्द्र मोदी होरें अपने “मन की बात” कार्यक्रम दे दौरान जम्मू-कश्मीर च नौजवानें दे खेड्ड कौशल दा जिक्र कीता।

<><><><><><>

Dy CM Tricycles

समग्र विकास दी दिशा च इक महत्वै आली गैह पुट्टदे होई उपमुख्यमंत्री सुरिंदर चौधरी होरें कल नौशैहरा च इक जागरुकता कैम्प दी प्रधानता कीती। समाज कल्याण विभाग आसेया आयोजित इस कैम्प दा मकसद लाभार्थियें गी सशक्त बनाना ते सरकारी सेवाएं दी तुरत दस्तेयाबी यकीनी बनाना बी ऐ। इस मौके पर उपमुख्यमंत्री होरें “आया” दे तर पर कम्म करने आली 40 महिलायें ते 4 आंगनवाड़ी हैल्परें गी नियुक्ति-पत्र सौंपे ते लाभार्थियें गी त्रै-टैरें आले साईकल बी बंडे-तां जे उनेंगी आओ-जाई सरबन्धी कोई परेशानी नैई झल्लनी पवै। 300 शा मते प्रतिभागियें इस कैम्प च हिस्सा लैता ते एहदे राहें उनेंगी समाज दे कमजोर लोकें दे कल्याण-सशक्तिकरण ते समग्र विकास दा सनेहा दिता गया।

<><><><><><>

Exam Postponed

जम्मू-कश्मीर स्कूल शिक्षा बोर्ड (JKBOSE) नै अज्ज होने आहले 10मीं ते 11मीं जमात दे सलाना (प्राइवेट) बरै च दो बारी होने आहले म्तेहान अगेड़ पाई दिते न। एह फैसला भारी बरखा ते हाड़ें दे कारण लैता गया ऐ। स्कूली बोर्ड दे अधिकारियें दस्सेया जे अगड़े पाई दिते गेदे म्तेहानें आस्तै नमियें तरीकें दी घोषणा बक्खरे तौरा पर कीती जाग। तोंआई जम्मू खिते च स्कूलें गी अज्ज बी बंद रक्खेया गेदा ऐ। मौलाधार बरखें दे चलदे समूलचे जम्मू-कश्मीर ते लद्दाख च रोजमर्रा दी जिन्दगी ते सम्पर्क साधनें च खासी रुकावट पैदा होई ऐ।

<><><><><><>

Online Classes

खराब मौसम दे चलदे जम्मू खिते च स्कूलें गी बंद रक्खे जाने दी पछोकड़ च हून 9मीं थमां 12मीं जमात तोहड़ी दे विद्यार्थियें लेई ऑनलाईन क्लासें दे राहें पढ़ाई जारी रक्खने दे जतन कीते जा रदे न। उआं एह कोशिश इंटरनेट सेवाएं दी दस्तयाबी उप्पर निर्भर करोग। एकड़े एहतियाती हीलें दा मकसद विद्यार्थियें ते शैक्षिक अमले दी सुरक्षा यकीनी बनाने दे कन्नो-कन्नी इस गल्लै गी पक्का करना बी ऐ जे बच्चें दी पढ़ाई दा नुकसान नैई होऐ। स्कूलें दे प्रमुख- ऑनलाईन क्लासें लेई संभावनाएं दा पता ला करदे न। तोंआई विद्यार्थियें- अध्यापकें ते माता-पिताएं गी एह सलाह दिती ऐ जे ओह मौसम दे सूरते हाल- स्कूलें गी परतियै खोलने ते पढ़ाई सरबन्धी बंदोबस्तें च कुसै बी तब्दीली बारे जानकारी लेई अधिकारिक चैनलें दे राहें आपूं नै जुड़े दे रौहन। इस बारे होर जानकारी दिंदे होई DIET रामबन दे मुख शिक्षा अधिकारी शाहनवाज़ गनी होरें आक्खेया.

<><><><><><>

Rana Tour

जल शक्ति मैहकमे दे मंत्री जावेद अमहद राणा होरें कल जम्मू शैहर दे हाड़ प्रभावित खेतरें दा इक व्यापक दौरा लाया ते छन्नी ते सैनिक कलोनी च होए दे नुक्सान दा जायजा लैता। अपने दौरे दौरान- उने जल शक्ति मैहकमे आसेया पानी दी सप्लाई बहाल करने आस्तै कीते गेदे जत्ने दा आंकन कीता ते अधिकारियें गी जरूरी सेवाएं दी फौरी बहाली ते उन्दी बरोबर बंड यकीनी बनाने दे हुकम दिते। उने निजी पानी दे टैंकरें पर सख्त निगरानी दी लोड़ पर जोर दिंदे होई आक्खेया जे टैंकर संचालकें गी अपने फायदे आस्तै मौजूदा स्थिति दा फायदा नेंई लैना चाहिदा। एहदे शा पैहले-जावेद राणा होरें इक समीक्षा बैठक दी अध्यक्षता कीती- जेहदे च उने जम्मू दे डिप्टी कमीशनर ते जम्मू म्युनिसिपल कारपोरेशन दे कमीशनर होरें गी टैंकरें दे संचालन गी नियमित करने ते बसनीकें गी समें सिर पानी दी सप्लाई दी गारंटी देने दा हुकम दिता।

<><><><><><>

Weather

मौसम विभाग नै कल्लै तोड़ी जम्मू, कठुआ, ते साम्बा च भारी थमां बड़ी भारी बरखा पौने दी पेशगोई कीती ऐ, जदके रजौरी, रियासी, डोडा, रामबन, किशतवाड़, ते उधमपुर च दमैयाने दर्जे थमां भारी बरखा बरने दे आसार ना। मौसम विभाग नै बसनीकें गी गुजारिश कीती ऐ जे ओह सोहो-सतर्क रौहन ते कुसै बी म्रिजेन्सी दी सूतै च 112 नम्बरे पर राबता करना तोंआई मौसम विभाग नै सितम्बर महीने च सामान्य कोला मती बरखा भरने दा अनुमान दस्सेया ऐ। मैहकमे दी मौसम बारे पेशगोई सरबन्धी मासिक रिपोर्ट च दस्सेया गया ऐ जे मुल्खा दे ज्यादातर हिस्सें च इस महीने सामान्य कोला मती बरखा भरने दे आसार ऐ। उआं पूर्वोत्तर ते पूर्वी भारत दे किश हिस्सें च ते कन्ने

दक्खनी प्रायद्वीप दे केई इलाकें च सामान्य कोला घट्ट बरखा पौने दी मेद ऐ। मौसम विभाग नै दस्सेया जे मती बरखा करी राई-बाई ते जल स्रोतें गी फायदा पुज्जोग, पर एदे कन्नो-कन्नी हाईं ते लास-पस्सियें दे पौने दा खतरा बने दा रौहग, जेदे चलदे गड्डियें दी आओ-जाई प्रभावित होई सकदी ऐ, जानमाल दा खतरा होई सकदा ऐ ते सेहत सरबंधी चुनौतियां बी बदी सकदियां न।

<><><><><><>

Traffic

जम्मू-श्रीनगर राष्ट्री जरनैली सिड़कें पर गड्डिएं दी आओजाई आंशिक तौरा पर ब्हाल होई गई ऐ ते सब्भनैं शा पैहले बता फसी दिएं गड्डिएं गी गै अग्गे बधाया जा'रदा ऐ। लोकें गी सलाह दिती गई ऐ जे ओ ओवर टेकंग नैई करन ते अनुशासित ढंगें नै गड्डी चलान, तां जे बेवजह जाम जनेही स्थिती पैदा नैई होयें। लोकें गी इब्बी आक्खेया गया ऐ जे ओ जरनैली सिड़कें मुतलक ताजा जानकारीयें लेई ट्रैफिक पुलसै दे टवीटर हैंडल पर तक्क रक्खन।

<><><><><><>